



Nuuk, 1. Juni 2015

### **Inatsisartut suleriaasianni § 37 naapertorlugu meeqqat angerlarsimaffiup avataanut inissitat Danmarkimi efterskolertinneqartarnerannut tunngatillugu Naalackersuisunut imaattunik apeqqtissaqarpunga**

(Inatsisartuni ilaasortaq Aaja Chemnitz Larsen, Inuit Ataqatigiit)

#### **Apeqqutit:**

1. Meeqqat angerlarsimaffiup avataanut inissineqarsimasut Danmarkimi efterskolertittarnerannut maleruagassat qanoq ittut malinneqarpat? Kalaallit Nunaata Sinniisoqarfia tassani qanoq atuuffeqarpa – ilanngutitinneqartuaannarpa?
2. Meeqqat allat atugassaasa assinginiq atugassaqartinneqarpat? Meeqqanut angerlarsimaffiup avataanut inissitanut immikkut efterskolenik toqqaasoqartarpa?
3. Nunatsinniit meeqqamut angerlarsimaffiup avataanut inissitamut ilaqutariittut attavissat danskit kommunianniit paaqutaqarsinnaasutut akuersissuteqassappat? Tamanna inuusuttup efterskolemi aallartinnginnerani isumagineqartarpa? Kia tamanna qulakkiigassarivaa?
4. Inuusuttup nunatsinnut attaveqartuarnissaa qanoq qulakkeerneqartarpa, efterskolellu naammassereerneratigut angajoqqaarsiassat qulakkeerneqareertarpat? Tamanna tamatigut qulakkeerneqartarpa?
5. Danmarkimut efterskoleliarnissami meeqqap pineqartup ilaqutai qanoq akuutinneqartarpat?

#### **Tunngavilersuut:**

Meeqqat angerlarsimaffiup avataanut inissitat tamarmik Danmarkimi efterskoleliarnerminni iliuusissiatut pilersaarusiutitigut nutarteriffigineqarneq ajorput. Taamaannerani meeraqartarpoq Danmarkiliarnerminni nunatsinnut uterunik sumiinnissaminnik ilisimanninngitsunik.

Pineqartunut amerlasuunut nunatsinni Danmarkimilu oqartussat piareersarnertigut, nalunaarsuinertigut ataqatigiissaarintertigullu inorsinnerisigut Danmarkimut pineq paatsiveerusimaarfiusarpoq. Tassa imaappoq Danmarkimi oqartussat, Kalaallit Illui, Kalaallit Nunaata Sinniisoqarefia kommunelu najugaqarfik ilanngullugit, meeqqap efterskolernerani akisussaasuusut suliamik kivitsinissaminnut inorsittartut.

Danmarkimut nuunneq kulturitigut annertuumik paatsiveerusimaarfiusarpoq, sorpassuillu eqqumaffiginiagassaapput. Inuusuttutut angerlarsimaffiup avataani inissineqarsimasuusimasutut inuunermi siunissamilu qanoq inissisimanissaq ilisimassallugu eqqissisimanissamut pingaaruteqartorujussuuvuq.

Apeqqutima ullut suliffiusut qulit iluanni akineqarnissaat kissaatigaara.